



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. III. Christi tristitia.

[urn:nbn:de:hbz:466:1-49178](#)

hac hora, hoc loco ex hoc pulpito, voce mea admoneri, & terrori, ut hodie à DEO aversus, ad eum se convertat? imminet vobis mors, incumbit vertici nostro immensum illud pondus æternitatis, ut morientes conterat: sub pedibus vestris dilatarit *infernus animam suam*, ut absorbeat animas vestras: adest in ara Judex, clamat, hortatur, invitat: *Convertimini ad me in toto corde vestro.* Minatur divinæ justitiae præco: *Nisi conversi fueritis, gladium suum vibravit, arcum tetendit.* O Domine, satis est ad metum, audire vocem metuendi, *Timor, & tremor venerunt super me.* Ego ergo propter iram tuam, & iniquitatem meam, toto & corpore tremens, & animo pavens, fugio ad te, qui cœpisti in horto pavere pro me. Immensum timeo, immane doleo: timeo quem offendii: doleo quia offendii. Timeo quia te provocavi ad iracundiam, doleo, quia non placavi iratum. O Pietas, parce impio! ô Misericordia, aspice miserum! ô Clementia, admitte detestantem sua flagitia. Noli averti à me, dum ego convertor ad te. Fateor, filius sum mortis: sed tamen quantum timeo mortem, tantum spero & vitam. Quia tu vita vitæ meæ protestatus es per Prophetam: *No-lo mortem morientis, reveri inimihi, & vivite.* Si nolis mortem, si cupis me vivere, nanc sine metu concinam, non moriar, sed vivam.

Ierm. 5. 5.

14.

Ioel. 2.

12.

Ps. 113. 7. 13.

Ps. 54. 9

Ezech.

18. 32.

Ps. 117.

16.

§. III.

Christi tristitia.

Cœpit contrastari, & molestus esse. Sollicito Christi, quo in intinere percussus fuerat, pavori, successit immodica tristitia: sic ut finis unius malii, initium esset alterius. Ingressus itaque hortum, sola dolorum legete fertilem, implevit eum suspiriis,

Matt.

26. 73.

suspiciis, & perfudit lachrymis, mœstoque vultu;
 ac dilectis præ mœtore oculis, nunc Petrum,
 nunc Jacobum, nunc dilectum sibi discipulum
 Joannem intuens, volebat loqui, sed loquendi fa-
 cultatem adimebat intemperans dolor. Vastus
 enim dolor vult silentio honorari. Iterum, ite-
 ramque, timore pavidus, dolore attonitus, tristi-
 tia obrutus, discipulos aspicit, & nunc sursum ad
 cœlum, nunc deorsum ad terram, nunc dextror-
 sum, nunc sinistrorum oculos circumferens, ma-
 nibus plangens, corde ingemiscens, oculis plo-
 rans, tandem magno cum singultu, hiulcâ voce,
 ac crebris gemitibus interrupta lugubriter exclam-
 mat: *Tristis est anima mea usque ad mortem.* O Petre,
 ô Jacobe, ô Joannes viscera mea, deliciae meæ, o-
 lim in monte Thaboræo, spectatores gloriæ meæ,

Ps. 54.5. nunc in horto testes meæ tristitia. *Cor meum con-*
turbatum est in me, & formido mortis cecidit super me.
 Audit hæc Petrus, & horret; audit Jacobus, &
 stupet; audit hæc Joannes, & præ dolore deficit.

Iob. 2.12 Ad hæc verba stant singuli attoniti: uti amici Job,
 qui sepius diebus, luctuosissimam ejus sortem
 solis lachrymis, suspiciis, stupore, silentio deplo-
 rârunt. *Videbant enim dolorem esse vehementem.* Ita &
 hic, nemo unus è discipulis vel verbum profert,
 quilibet silet, singuli stupet. *Videbant enim dolorem*
esse vehementem. Erat quippe tristis usque ad mor-
 tem. Hoc est, ex vita, & vehementi omnium quæ
 mihi imminent, & mente circumspectio, malorū
 apprehensione, sic angor, adeò tristis, ac si jam
 nunc morerer: sustineo agoniâ, & dolores mor-
 tis, patior angustias morientis. Spiritus, & vires
 me penitus deficiunt: pavore tantum non exani-
 mor; angoris violentia, & mœroris vehementia
 vitam pene eripiunt, & spiritum intercludunt.

O ani-

O anima mea! vide ut tristis est anima Christi usque ad mortem, quia tu declinas à viâ arcta quæ dicit ad vitam, & ambulas per viam latam, quæ dicit ad mortem. Arescit fons ille, ex quo quidquid est lætitiae in hominibus, vel gaudii in Angelis, vel exultationis in cœlo, & terra, plenis rivis exundat. Nunc ergo vale ô lætitia, & gaudium; claudere ô domus convirii, ibo ad hortum Gethsemani, hoc est, ad domum ludus. Valete ô strata e-
Ecl. 7. 3
Ps. 6. 7.
burnea, Lacrymis stratum meum rigabo : marcescite rosæ, crescite spinæ, silete ô tympana, & cytharæ, & organa, non amplius personent illa verba : Re-
Sap. 5.
linquamus ubique signa lætitiae, non est conveniens luctibus ille sonus. Accede tristitia, tu esto mihi conviva in mensa, comes in itinere, dux in via; aperi oculos fletibus, cor gemitibus, fauces singulibus, pectus suspiriis, manus planctui, linguam ejulatui. Doles mi JESU, & tristaris coram tribus discipulis ; sed an tantum propter illos doles? Nunquid & ego, mi JESU, unus eram ex illis, propter quem, & super quem dolebas? nonne ideo tristis fuit anima tua, quia peccabat anima mea? & cum peccasset, non erat tristis usque ad mortem, sed illos imitabatur, qui lamentantur cum male fecerint, & exultant in rebus pessimis? ô mala de malis, & pessimæ de rebus pessimis lætitia! Post tantam illam Christi tristitiam, ob hominum peccata conceptam, deberent omnes per totum orbem diffusi homines, propter unicum tantum, & illud minimū ab homine uno commissum peccatum, adeò dolere, tantumque tristari, ut præ tristitiae magnitudine oporteret eos tundere pectus, evellere capillos, laniare genas, indui lacco, conspergi pulvere, jacere in cinere, rugire à gemitu cordis sui, implere totum aërem querulis lamentis

B

mentis

Tristitia
maxima
concipie-
da ob
peccatū
minimū.

Prov. 2.
44.

mentis, clamari flebili voce, *Quis dabit capiti meo*
_{Jerem. 9.} *aquam, & oculis meis fontes lachrymarum, & plorabo*
_{1.} *noctes & dies? & cum Michæa, Super hoc plangam,*
_{Mich. 1.} *ululabo vadam spoliatus & nudus; faciam pianctum*
velut draconum, & luctum quasi struthionum. Hunc
in modum par esset, quotquot in orbe sunt mor-
tales, tristati, & lugere, propter unicum, & mini-
num quod potest concipi, commissum pecca-
tum. Ubi jam tua tristitia, post scelera numero
plurima, gravitate maxima? tristis est anima Chri-
_{i. Pet. 2.} *sti usque ad mortem, qui tamen peccatum non se-*
_{22.} *cit: in peccatis concepit te mater tua: in peccatis natu-*
_{Ps. 50. 6.} *es totus. Peccasti super numerum arenæ maris;*
_{10. 9. 34.} *peccata tua ascenderunt usque ad cœlum coram*
Deo. Quænam est lex Dei quam non violasti?
quod mandatum quod non sprevisti? quod con-
silium, quod non rejecisti? quod nam in toto cor-
pore membrum, quod non fuit tibi peccandi in-
strumentum? denique à planta pedis, usque ad
verticem capitis non est in te lanitas, quia non est
nisi iniquitas; ubi nunc post pœnitenda, pœni-
tentia? pœnitentia? imò totus effunderis in lati-
tiam, salis pedibus, plaudis manibus, studes ex-
hauriendis calicibus, per diem helluaris, per no-
ctem debaccharis, ducis in bonis dies tuos. Quid
_{Luc. 16.} *est quod exspectes post tot bona in vita nisi illud*
_{25.} *triste divitis Epulonis, Recordare, quia recepisti bona*
in vita tua, &c. ideo tu cruciaris. Audite, delicatu-
li, quorum Deus venter est, qui per noctem volu-
tamini inter plumas, per diem ambulatis inter
rosas, qui vitam totam traducitis inter delicias,
quibus post infinita flagitia, non tantum horror
est agere pœnitentiam, sed timor vel audire lo-
quentem de pœnitentia. Audite, horrete, con-
tremiscite, quia qui loquitur est Veritas, qui mi-
natu-

natur est justitia, qui, quod minatur, exequetur,
est Potentia; hic dicit filii mortis, Filius Dei, qui
tristis est usque ad mortem: *Nisi pœnitentiam habue-*
ritis, omnes simul peribitis. Post tale tonitru adhuc
dormis? ne cum evigilas? O tristissime Jesu, ego,
ego ille sum, qui ex corde tuo extorsi tot gemi-
tus: ego qui expressi ex ore lamenta, ego qui eli-
cui ex oculis tuis lachrymas. Sed & idem abster-
gam omnem lachrymam ab oculis tuis. Scio, quia
gaudium tibi est super uno peccatore pœnitentiam agen-
te. Peccator sum, fateor, peccavi in cœlum, & coram
te. Pœnitet, me odisse Patrem, deseruisse Domi-
num, offendisse D E U M. Non ergo sit amplius tri-
stis anima tua usque ad mortem, sed tristitia tua
vertatur in gaudium; quia gaudium tibi est super
uno peccatore pœnitentiam agentem, & gaudium
illud nunquam tollam à te, quia nunquam of-
fenderis à me.

§. IV.

Fons tristitiae salientis in cor Christi.

HÆC Christi tristitia fuit vehementior, & fe-
rocior, quam fuerat, vel esse poterat, secun-
dum communem DEI potentiam. Primum ex
parte objecti materialis: quia Christus doluit de
peccatis omnibus hominum omnium simul sibi
repræsentatis, & velut in unum acervum conflu-
tis; & modo intelligendi absolutissimo, & per-
fectissimo perceptis, ac expensis. 2. Ex parte ob-
jecti formalis; quia nemo unquam sic cognovit,
sive Majestatem DEI offensi; sive, qua offenditur,
malitiam peccati. 3. Ex modo cognitionis; quia
nemo tam perspicuè, distinctè, tantaque animi
seu attentione, seu contentione, singula quæ ad
testandum peccatum possunt permovere, consi-
dera-